

梅
莊
詩
鈔

梅莊詩鈔卷九

壬寅

江中吟

天津 華長卿 枚宗

將之廬江留別徐蔗園表兄

璜

兼呈王蓉橋丈

異姓爲兄弟他鄉骨肉親
況經離亂苦愈覺性情真
豪氣騰肝膽奇才困賤貧
願將金百鍊同鑄百年身
老入蓮花幕書生已白頭
干戈醒短夢風月慰殘秋
重享太平福休傷離別愁
大江東去水破浪間扁舟

登舟口號

輕舟已過鳳皇臺
醉眼模糊倦未開
三疊陽關催客去
萬重山色渡江來
別時歌管翻增恨
亂後乾坤尙可哀

孫楚樓頭沽酒處大呼李白是天才

舟中偶成

江上鯨波靖乘舟客往還人煙荒市外塔影亂桅間舵
尾晨炊急篷心午夢閒推窗無限意回首看鍾山

江行晚景

六代興亡感煙霞過眼空江山爭落日蘆荻戰秋風雲
靄孤帆白潮蒸暮靄紅蔚藍鋪一紙妙手倩關仝

雙牖夜泊

擁被人高臥長江一葉舟五更搖夢去獨客動鄉愁燕
別烏衣巷花開白鷺洲風波猶未定莫向海天游

江上暮感

不涉風濤險。焉知康與莊。江聲吞斷岸。帆影挂殘陽。雲
隔三山遠。天垂四野長。苦吟窮徹骨。祇賸一詩囊。

雙牖曉發

曉風吹客夢。初日照蘆花。解纜中流去。舟人亂語譁。水
肥吞岸闊。帆飽趁風斜。遙指青山外。零星數點鴉。

新林浦謝元暉吟詩處

新林浦。隔板橋涼。江樹歸舟路渺茫。賤子有詩吟不得。
只愁謝朓笑人狂。

勞勞亭書懷

梅莊詩鈔

卷九

二 東觀室

恥戴南冠泣楚囚勞勞亭畔水聲柔渡江名士推無忌
往代才人數莫愁柳色又添離別恨烽煙剛靖帝王州
布衣羞作長楊賦擬向桃林學放牛

過晉太子洗馬衛玠墓

秋豔新亭路殘陽照墓門青山埋俊骨白酒奠英魂美
玉無疵類曇花有淚痕縱教人看殺文采至今存

三山晉龍驤將軍王濬駐師處

樓船萬里下江潮破竹軍聲到板橋功讓龍驤天塹壞
關開虎踞石城遙雄兵風勁傾三國廢壘雲深恨六朝
歸命已降丞相死可憐遺冢木蕭蕭

吳丞相張悌墓在板橋

和州懷古

英雄匹馬度昭關一夜西風兩鬢斑千古漁郎辭劒處
水聲流過歷陽山

竟教國士詡無雙百戰山河氣不降亭長于今成帝業
又來亭長在烏江

秋光先到水心亭一代詩魂鬼亦靈倚櫂欲尋張籍宅
桃花塢口晚山青

廉吏兒孫愛遠游推篷遙指峴山頭傷心五十年前事

定有耆民說故侯

先大父乾隆庚戌
辛亥間曾宰含山

采石磯懷古

古今才子神仙少
乾坤戰伐將軍老
賸得高山一角青
蒼松萬樹圍荒草
青蓮學士謫仙人
知己初逢賀季真
三疊清平傳絕調
長安市上醉稱臣
電光具眼識汾陽
至德中興走夜郎
亂後干戈窮不死
江天到處酒樓香
濟南別後金陵住
狂歌謝朓驚人句
捉月亭邊著錦袍
空餘奇骨埋荒墓
一將強于百萬兵
韓擒以後有開平
燃犀照徧魚龍膽
牛渚磯頭夜月明
沔陽漁子沿江下
康郎血戰空圖霸
追北和林沙磧平
奇功不在中山亞
柳河川邊隕大星
蔣陵陪葬草青青
夜深烈魄隨華輦
髣髴重游太白亭
我今鼓楫來江岍
烽煙已靖休征戰

從此揮毫更詠詩
臨江醞酒幽魂奠
一杯大呼李太白
一杯又呼常遇春
爲問千秋萬世幾
忠臣三山二水幾
詩人君不見大江
浪擁英雄去姓氏
常垂不朽身

太平弔花將軍雲

東邱猛士有花卿
百戰風雲死太平
大澤蛟龍留將種
深山虎豹怖威名
紅顏波底魂無語
白骨刀頭血有聲
回首水橋遺墓在
衣冠束縛草縱橫

當塗曉發

牛渚朝暾上姑溪
野水連亂松圍古
寺壞稻沒荒田弔
古來狂客吟詩有
謫仙醉登山絕頂
搔首問青天

于湖道中

葦花蕭瑟映菰蒲。補網漁家入畫圖。莫笑書生枵腹慣。
飽看山色到當塗。

沙漲腥風冷釣絲。荻花灘背曬鷗鷺。朱顏掩映漁家女。
紅到斜陽欲墮時。

江鄉風景真如畫。紅樹青山碧水流。一片鳬鷺飛乍起。
蓼花菱葉不勝秋。

水田漠漠認姑溪。打稻聲中唱午雞。一帶綠秧濃似染。
野鷗飛過斷橋西。

姑孰

姑孰谿聲水氣渾兒時英物笑桓溫十年種樹陰初滿
萬載留名臭尙存故智漫誇同魏武可人空自許王敦
枋頭敗後奸雄死白紵歌成最斷魂

江行卽目

博望山邊古戰場時平收起舊刀槍晚來燐火含青血
猶自高飛過歷陽

依舊屯軍卻月城蛾眉山壓大江橫樓船早已歸滄海
猶在峰頭亂紮營

不挂輕帆蕩短橈天門對峙東江湖西風一陣吹秋雨
喚渡先過普濟橋

壽春殘卒喜藏弓，短後征衣邊幅紅。
閒約山僧共村嫗，倒騎羆羆話秋風。

舟夜口占

大江風捲浪花颿，臥聽千軍萬馬呼。
一覺華胥猶未醒，舟師已報到蕪湖。

蕪湖曉發

江雲吹不斷，天半出朝曦。
山讓老僧踞，營留殘卒屯。
水田圍作障，木筏聚成村。
回指層臺路，吟詩弔許渾。

舟中薄暮遣懷

朝發采石磯，暮宿濡須塢。
雲際認征帆，山腰界古樹。
滔滔

滔大江水日夜向東注西下巴蜀雪南隔衡陽驚奔騰
數萬里直達滄溟去海上三神山蓬瀛在何處扶桑浴
紅日橫江零白露縣厓石洞間云有仙人墓神仙不好
名亦被浮生誤我今來江上歲月等閒度鄉書問斷鴻
空囊乏泉布苦吟嘔心血媿少驚人句亂後學躬耕時
平講征戍遠游惟仗劍孤櫂入煙霧一雁西南飛振翮
斜陽渡

過無爲州有懷米元章

九華樓瞰萬山晴寶晉齋留死後名我見石頭還下拜
豈徒低首謝宣城

君家父子畫通神，潑墨煙雲幅幅新。
名勝又教名士奪，襄陽不屬孟山人。

晚泊繁昌舊縣

遠嶺白雲起，疏林紅葉飄。
隔溪聞吠犬，仄徑見歸樵。
秋澹天逾靜，江清路轉遙。
阻風行不得，廢堞傍山腰。

縹緲臺

布帆千幅趁風開，勝蹟難尋縹緲臺。
山色重重看不厭，江天替我送詩來。

重陽書所見

青山疊疊水茫茫，何處漁舟一葦杭。
忽見樵青簪髻菊，

始知今日是重陽

廬江道中卽目

纔過蒲塘埂又到半壁店
獺山鳥雀飛登高人影散
冶父山前寺龍池水氣腥
風吹鈴鐸響荒谷餓魂聽
策蹇行稻畦隨人出林麓
小車軋軋聲驚起幽禽宿
螃蟹橋崩壞疎槐聞暮蟬
隔水羅家埠斜陽爭渡船

廬江懷古

古縣荒城有廢祠
新涼天氣菊花時
劇憐詞客增秋感
重讀廬江小吏詩

公瑾風流妙若神
阿瞞霸業枉勞薪
水邊月夜聞箏笛

疑是分香賣履人

姚墩花木帶霜寒淺水長橋落葉乾欲訪羅家舊時事
累累荒冢斷碑殘

孤山險峻聚萑蒲亂後驚濤勢欲呼鵲尾渚邊風又起
行人不敢渡焦湖

廬江程秩山茂才

大禮

年逾七旬隱于醫性耽吟

詠愛余詩不忍釋手急索紙筆且讀且鈔殷摯
之情竟忘饑渴席間賦此留贈

改業神農術書生老更豪愛才如性命說鬼亦風騷嘔
血吟情苦撐腸酒量高姚予知己感熱淚灑青袍

羅家埠得識徐晴帆曉齋昆仲談醺數晨夕相得
甚懽匆匆登舟留此誌別

山色青蒼木葉紅我來城北訪徐公弟兄好客聯今雨
耕讀傳家有古風打稻聲中呼亞旅挑鐙影裏課兒童
羨君自得團圓樂對月銜杯憶斷鴻

登舟誌別

萍蹤剛聚首忽爾唱驪歌送客爭攜手勞人又渡河長
隄荒肆小短碣亂墳多回首羅家埠離情悵若何

見雁憶舍弟筠莊

鯉魚風緊雁南翔寫就青天字一行寂寞鄉書何處達

那堪聽雨憶聯牀

濡須塢阻風

又觸封姨怒驚濤百萬軍倒吹江背樹橫埽嶺頭雲昏
色遲鴉點餘音送雁羣濡須渺何處地據鼎三分

泥汊口口占

繫纜晨炊候鄉村唱午雞夾河秋樹亂隔浦遠山低
莢屋通樵徑漁舟入稻畦牧童牛背穩騎過草橋西

舟中卽目

輕舟拍浪穩于鳬遠浦山光澹欲無楓葉經霜紅似火
稻田沒水漲成湖斜陽曬網勞漁婦斷岬收罾問蟹奴

買得鰕魚剛一尺，篷窗獨客且提壺。

登岼遠眺

泥汊關外泊扁舟，相約髯奴上岼游。
一片殘陽紅欲墮，亂山西向水東流。

蕪湖夜泊

夜泊鳩茲岼，西風吹敗蘆。
人聲雜吳楚，月色滿江湖。
徽國祠堂壯，龍神廟貌殊。
劇憐賢令尹，忠魄問遺孤。

崇陽明府

師公
舊船

舟過采石

采石連牛渚，扁舟一櫂還。
白雲藏古寺，紅葉豔秋山。
仙

去詩難和江平夢亦閒天光如畫裏粉本倩荆關

舟中醉後作

賃廡家無負郭田飢驅南北自年年長鞭夜控懸崖馬
短櫂孤撐上水船天繪山川作圖畫人耽詩酒學神僊
狂吟沈醉醒都忘免使千秋萬口傳

舟中無事作憶內詩

廿年雕盡可憐蟲兒女功名最熱中憶得盼聽飛捷報
槐花黃後杏花紅

牛衣蕉萃減秋容風信蕭騷雨意濃憶得纖纖呵凍手
敝裘檢點替重縫

齏鹽薪水尋常事亦學衡門詠樂饑憶得甕頭無宿米
開箱重典嫁時衣

夢中省識舊茅廬讀畫聽香樂有餘憶得明窗揩淨几
埽塵整理案頭書

論文枵腹已心灰搜盡枯腸日九回憶得棗餠新煮熟
攜兒親送點心來

四兒一女快承歡鴻案齊眉興未闌憶得鐙前同笑語
炕頭圍坐話團圓

阿升殤後阿端天一夜西風綠髻斑憶得哭殘小兒女
淚痕減却舊紅顏

憐卿井曰亦親操中饋辛勤不憚勞憶得夜深猶未睡
倚闌同看月輪高

慚子鐵硯未曾磨醉後分書作壁窠憶得攤牋伸素腕
袖邊沾得墨痕多

我今江上挂征帆獨客情傷淚溼衫憶得深閨今夜裏
有人重展舊詩函

梅莊詩鈔卷十

壬寅癸卯

白門續集

天津 華長卿 枚宗

題屈子祠圖

壬寅

沅湘東下流滔滔忠魂髣髴來江皋生遭謠詠歿榮褒
寤君愛國猶鬱陶血食飢餒悲若敖身類兜鯀心夔咎
曠代相感書生勞熱淚黥點污青袍問天奇句首空搔
芳躅遠追汨羅濤方外今有人中豪夜深痛哭讀離騷
師門沆瀣同哀號祠堂結構雄且牢祔祀侑饗舖其糟
辦香供奉惟濁醪雲林妙墨森蓬蒿赫蹄展卷爭揮毫
君不見頻池淪沒輕鴻毛何如懷沙抱石英風高

絕句

瓦縫塞秋葉霜痕壓敝廬忽經風颯颯隨瓦墮階除

寒夜不寐

蕭齋寂閨夢難成月墮宵殘又五更敗葉經風作人語
遠鐘時答兩三聲

送宋式之之當塗

客中頻送客熱淚凍難收烽火驚殘夢雲山訪舊游時
平荒戍撤歲晚大江愁我欲隨君去重登太白樓
年少酬肝膽相逢有劇辛江湖尋俠士天地困詩人旅
況嘗都慣貧交味更真遙憐牛渚上乘筏渡迷津

題雲巢舅氏看弈圖

妙手何須苦戰爭
讓人先著意難平
茫茫今古無全局
草草河山有敗兵
巨眼早能分黑白
奢心猶自較輸贏
紛紜世事皆如此
且看枯棋試一枰

動靜方圓妙騁思
神仙偶爾坐談時
古松流水人無語
清簟疏簾客詠詩
國手須籌天下計
機心惟有箇中知
桐君橘叟閒相對
含笑欣然自撚髭

歷梁飛勢兩相攻
神耗經營慘澹中
妄想忽生鴻鵠志
遠謀都似馬牛風
湯嫌當局心思亂
翻羨旁觀眼界空
誰遣白鴝蹂躪去
回頭角逐尙爭雄

棗核留香斧爛柯等閒歲月暗銷磨局中得意難求勝
劫後灰心更議和悞中詭謀憂反覆怯排疑陣枉張羅
羊曇乞得東山墅寫入生綃凍筆呵

能仁寺觀覆水梅

癸卯

南郊春色問僧家修竹當門小徑斜剝啄一聲飛鳥散
詩人來看古梅花

蟠根錯節一千春依舊濃香萬朶新我見此花應下拜
對花如對六朝人

春日病中作贈葛芝山

攘臂疑藏袖裹蛇奇癩如刺樹槎枒求醫先驗肱三折

索句難伸手入义掣肘怪癰呼滿節捉襟汗血污桃花
寄奴飽飫刀圭藥爲我頻年太嗜痂

喜得青囊肘後方黃金無印繫垂楊心懷投筆愁多患
力欲彎弓怯用强痛癢相關惟骨肉刮磨殆盡贍肝腸
葛洪妙有神仙術鑪火閒聞煮藥香

癸卯暮春次安園壁間尹文端公錢湘萼先生倡
和韻送舅氏督艘北上

家在津沽傍海濱渡江來訪六朝人園林避俗堪留客
花木逢時易感春游興難忘前度好韶華差比去年新
衙齋賃廡鰈生住明瑟軒中淨絕塵

原名夕佳亭新易
今額命予書匾

漢碣唐碑細品量
安園詩版揭迴廊
樓觀古塔雲無影
園中有塔影樓洗心石
友翠亭一鶴軒諸勝

心洗清流石有光
隔牖時聞鴉

雀語繞離不斷草
花香瓊瑰玉佩空
相贈剛讀秦風到

渭陽

夜氣深扃白板扉
文星耿耿映流暉
乘風波靖黃天蕩

題句人來采石磯

去秋往返廬江兩過采石

官味已隨雲共澹鄉心

還約鶴同歸

擬于秋杪公車入都

梅花耐得冰霜苦
轉盼春光悟

化機

幾人冠蓋問茅廬
笑我狂歌似接輿
蓮幕屢開文士讌
桃源莫泛武陵漁
談兵紙上心猶壯
射策場中計亦疏

貽患養癰眞掣肘

時予肘後生癰甫愈

藥鑪聊伴病相如

擬共羣仙唱大羅
箭韶遺響勝雲和
書生結習功名賤

時事關心感慨多
相馬幸逢孫伯樂
彎弓曾學尹公他

任城喜氣連薇省

友竹表弟將補濟甯別駕貢九表兄由中翰游升

沆瀣同沾

太液波

南方棠蔭北山萊
爭寫驪歌埽石苔
兩岼青嵐隨客去

一江明月逐帆開
蓬蒿野曠頻年集
桃李陰濃到處栽

珍重蒼生望霖雨

時方憂旱雲中

丹詔喜重來

三月三日同王蓉橋先生訪張斂庵同年于護國

庵晤德峰上人偕游杏花村鳳游寺尋鳳凰臺
遺蹟謁阮嗣宗墓游瓦官寺眺萬竹園歸過謝

康樂祠

抱琴訪鶴敞禪關偷得勞生半日閒十丈軟紅銷不盡
來峰閣上看鍾山

偶同王粲尋張敞得遇陳羣

伯輔茂才

話未休更有詩僧真

愛客清譚捉麈快同游

榆錢拋盡柳飛絲正是江南上巳天半幅酒旗尋不見
令人惆悵杜樊川

池塘芳草傍高臺難覓吳宮舊日苔醉把鐵簫吹一曲

德峰善
吹簫
桐花香裏鳳凰來

衣冠猶是晉時人
六代興亡過眼雲
留得斷碑埋宿草
有誰來弔步兵墳

不問陶官問瓦官
少陵曾到此盤桓
可憐一炬南唐火
多少幽魂瘞土棺

百萬軍中一少年
長江滾滾漫投鞭
英魂昨歲含餘憤
獅子山根集海船

杏花村裏酒人稀
萬竹園中白鷺飛
欲訪謫仙舊游處
三山二水賸斜暉

雨後次舅氏元韻

雨後晴烘卵色天蒼茫獨立興悠然高飛擬學隨陽鳥
得第如撐上水船北固烽煙傷往事東山絲竹感中年
病猶未愈春將老無限鄉愁墮酒邊

時戒酒
而月矣

送汪永葺

景祐

之淮安

龍亢多畸士相逢慰所思遺風懷祖德

先大父省香
公會宰舍山今

雨重交期春色花將老雄心酒不辭山陽一枝笛忽向
柳邊吹

病起不寐

萬慮心頭湧攤衾臥五更喜追年少事愁想故鄉情羈
客鮮佳夢荒雞多惡聲病餘撐瘦骨俠氣尙縱橫

觀劇有感

世事眞如傀儡場忽然甲冑忽官妝英雄叱咤風雲起
兒女纏綿粉黛香白面塗成工笑謔黃金用盡變炎涼
俳優一樣垂紳笏何必銅山煮爛羊

和舅氏樂官山詩

劫灰燒起秣陵煙忍向池頭奏管絃都學海青拚一死
可憐腸斷李龜年

楊花飛向李家明

楊花飛李家明皆南唐樂工

絲竹摧殘血淚聲俊

骨埋香心不滅山頭時有杜鵑鳴

五鬼詞華唱輓歌梨園笑倒敬新磨楚金兄弟歸梁苑

念到家山痛若何

焚香午夜誓登壇。竟灑淋漓碧血寒。誰展澄心堂上紙。
替他優孟寫衣冠。

雜感

白髮英雄恨黃金。骨肉恩功名銷劍氣。血淚湧刀痕。羈
客天涯夢。勞人海外魂。茫茫千萬載。都是爲兒孫。

次韻答式之

金盡知音少。才多入世難。我方悲老大。君莫怨清寒。弱
絮因風起。名花對月看。竟無魚可釣。何必更垂竿。

秋夜不寐

蕭齋吹殺一燈青獨臥空幃目不瞑月色喜從窗隙入
蛩聲愁向枕邊聽難尋好夢銷良夜欲遣幽情
世上風波都歷過只餘宦海未曾經

送彭友筠之江浦

明珠贈與有情人願把黃金鑄此身贏得青樓呼薄倖
名花難買四時春

羞畫蛾眉鬪短長寒鴉猶自戀昭陽問君何事渡江去
兩畝青山笑客忙

秋夜

秋氣入重簾孤燈照幽幌空庭寂無人墮階黃葉響

草際亂蛩歇雲端候雁哀秋風振竹樹疑是雨聲來
夜靜動鄉思鐙昏人未眠多情有明月照我到牀前
古寺聞寒鐘萬慮一齊廢晨光動窗牖隔樹雀聲碎

舊院晚眺

夕陽照蕭寺秋色滿秦淮影血猶存石沈香尙有街金
陵王氣盡玉樹劫灰埋長板橋邊客無心拾墮釵

九日雨花臺登高同曹春生

仁壽作

西風蕭瑟雁南翔有客登高望故鄉六代雲山忽秋色
一年風景又重陽狂歌烏帽吹將落醉折黃花嗅更香
木末亭邊詩興澀題糕且莫笑劉郎

送鄧薌甫

賢芬

還泗州

秋色來江上山光送客舟相逢如舊識遽別動新愁壯
志雲歸峽吟情月滿樓青衫蕉萃盡含笑看吳鉤
天外數聲雁征人思故鄉銷除名士習珍重少年場白
下留難住黃華自有香金臺多駿馬骨相問孫陽

和春生見贈詩元韻

分襟六載悵徘徊白下重逢笑口開客戀鶯花催夢醒
人隨鴻雁帶秋來秦淮邀月樽傾酒蔣徑尋芳屐印苔
窺鏡都非年少事祇須懽喜不須哀

放懷寄馬鶴船

依舊長安一酒徒。平生恥學小人儒。爭教紅粉憐才子。
漫把黃金鑄大夫。磨折名心甘澹泊。揣摩時事要糊塗。
一錢不值文章賤。駟僇紛紛入宦途。

初六日早成

黑甜鄉裏卜幽棲。瀛海巫山路不迷。忽被秋聲驚夢醒。
曉風吹起亂鴉啼。

雨霽寫懷

龍驅旱魃大荒西。得降甘霖慰耄倪。濁世誰嘗醫俗藥。
熱腸難覓辟寒犀。夢聽殘雨人高臥。天放新晴鳥亂啼。
黃葉半林搖落盡。牆陰小草尚萋萋。

嫌予

青天問客客何能識字農夫食肉僧萬斛鄉愁聽夜雨
廿年書味憶寒鐙得眞才子作奴僕與古詩人爲友朋
富貴場中難位置嫌予傲骨太峻嶒

寒夜口占

衙鼓寥寥巷柝忙荒雞臙膊恨更長黔婁布被寒如鐵
夢嚼梅花醒尙香

送曹春生之贛榆

兩載故鄉別逢君慰旅愁聯牀聽苦雨把酒醉殘秋宦
海窮難入家山話未休寒風吹客去蕭瑟擁征裘

君竟勝于我萱闈有老親家貧同作客身賤更依人挂
席來江上乘桴問海濱黃能尋古蹟憑弔羽淵神
老我鬚眉態將爲見惡年詩書拋舊業翰墨結前緣月
色窺歌席簫聲訪畫船板橋送行處衰柳尙纏綿
欲上千言策輸人半局棋鉛刀刪惡夢血淚迸奇詩弟
妹各分散妻孥常別離春風如有約羞說杏花時

得蓮卿僞書卻寄

夜得故人書草字如秋蚓挑鐙急讀之墨光搖燭影押
尾闕印章封皮碎壘粉反覆再三讀不覺笑失韞前寫
寒暄語後抒肺腑隱家弟蹶霜蹄惋惜替含憤卓哉邊

孝先

神石

前茅馳發軔張仲

遠仲

振雲翮頗與相如近樊侯

文卿

又入楚才長將攝尹燕市困漸離

寄泉

心疾罹美疢天

涯數知己結交頸可勿鄉貽脫穎毫中書髡露頂怪哉
竟通神洪喬封不謹督郵憤作偽充飢成畫餅東施雖
效顰恣態殊娉奁繭紙走龍蛇海市幻蛟蜃奇字向誰
問世俗何妨哂真迹已飛去人間留贗鼎

自題鉏月圖

當頭明月證前身孤負空山四十春
重向羅浮尋好夢相逢定有賞花人

短衣至骭把長鑣也學農夫意味閒
月裏嫦娥獨含笑

怪余底事到人間

獨立蒼苔手自叉。畫中不寫影橫斜。眼前亂草芟除淨。
纔得開成滿樹花。

良宵顧影自徘徊。二十年前小秀才。我問梅花花問我。
幾時移種出山來。

少宰毛伯雨夫子輓詩

夜半文星墮陰雲黯黯陽

卒于江陰學使官署

官階終吏部

由翰林改

官吏部主事仕至右侍郎

遺愛有甘棠翼鑠雙瞳電凋殘兩髻霜起

看江左右桃李遍門牆

嘉慶庚午道光辛卯兩典江蘇今年監臨江

試南鄉

誇我工詩賦

以賦賦試天津學取長卿第二

知音說二難

家智谿兄亦是年蒙拔

取選貢

生存增涕淚死別更悲酸
申浦凍雲合君山枯樹

殘儻逢吳季子古樂定同觀

延陵墓在江陰

拜別老牆根

京師寓宅

重逢白下門賞心辜厚望知己感深

恩玉牒官聲貴

官宗人府丞十載

金臺道誼尊

省學順天五年

明湖千

頃水月夜照歸魂

取我秀才日于今十九年

甲申十一月十八日試津邑士今年十一月十八日聞歸

道風簷真寸晷雪窖等冰天
回首青衫恨傷心白髮憐

山頽梁木壞焚棗哭靈筵

和林少穆先生至西涼友人送行韻

從來勝算在人和誰遣飛鴻困網羅前代銅山今又鑄
舊時鐵硯不須磨窮邊冰雪英雄老古驛風塵涕淚多
回首粵王臺畔路只留陸賈共隨何

西向流沙萬里程浮雲富貴一身輕烽煙乍息方投筆
河患初平更遠征宦海驚濤催夢醒冰天涼月照人清
玉關生入知何日衰柳吹殘暮笛聲

往事傷心問太虛故鄉寥落子雲居談兵不肯籌前箸
傳食何容載後車江上鐵橫千丈鎖天涯詩寫數行書
和戎未定從戎去魏絳兒孫有魏舒

荷戈絕域髭毛侵蔥嶺峻嶒擁雪嶽拊髀空存平寇志

掉頭不負愛

君心龍蛇大澤風波惡金石名山歲月深和靖墳邊三
萬樹梅花香裏覓知音

和崇雨船方伯恩十雪詩

料峭風初息遙空雨未成癡雲低作勢凍雀靜無聲漸
洩衝寒意頻猜造物情青天如可問尺五望蓬瀛欲雪

飄飄兼颼颼粉本點樓臺老鶴夢先覺寒梅花半開水
邊微見影山頂漸成堆有客圍爐坐傾樽共煮醅初雪

對此茫茫白天公玉戲誇紅塵成變態青眼眩空花皎
潔三生澈聰明十倍加聚星堂上客禁體鬬尖叉對雪

拄杖凌寒去山高不可登
灞橋人迹少梁苑客懷增
子留鴻爪崎嶇沒屐稜
尋梅迷舊路驢背問詩僧

踏雪

紙帳香成海高人抱膝吟
空山清夜永老屋白雲深
夢冷金銀氣春回鐵石心
輒紅銷萬丈塵世幾知音

臥雪

鍊出瓊漿味洪鑪活火燒
冬烘何處熱傲骨此中銷
荷露喧茶鼎梨雲貯酒瓢
党家風趣別只解聽深宵

煮雪

蘊蓄上池水經冬且待時
栽培清淨福珍重歲寒姿
深窖暫韜晦堅光仍陸離
春風頻醞釀融化透冰肌

藏雪

隔牖晨光白開軒旭日紅
晴空山積玉遠水鏡磨銅
快意傳書法靈心悟畫工
夜來明月照清景更玲瓏

晴雪

高樓開霽景薄暝尙餘寒
簷蔔留香少芭蕉著色難
濃銷村逕滑密糝竹林乾
問訊南山鶴猶能耐久看
剡溪曾訪戴回首權歸雙
高士眠深巷漁翁隱釣
山雲壓屋昨夜月橫窗
泥爪分明印飛鴻在遠江

憶雪

梅莊詩鈔卷十

男鼎元校字

梅莊詩鈔卷十一

甲辰

返樵集

天津

華長卿

枚宗

早春北上留別金陵

何人先我渡江來。六代雲山過眼哀。老杜曾游瓦官寺。
謫仙獨上鳳凰臺。流殘晉苑清冷水。踏遍吳宮淺淡苔。
薄倖樊川莫惆悵。酒旗風裏杏花開。

三年淹滯在江鄉。書記埋頭氣不揚。鐵硯滴乾老鸚鵡。
金鍼繡壞古鴛鴦。胭脂血淚尋簪井。風月詩魂弔小倉。
燕子未歸春草綠。不堪回首大功坊。

白門羈客半詩人。開到梅花又是春。近代文章工粉澤。

前朝陵闕幻煙塵。鍾山有恨，更名蔣。淮水無聲，總姓秦。
祠畔小姑獨含笑。問誰珍。重嫁時身。

銷魂枕畔夢初醒。紙帳銀燈冷。畫屏團扇，忍從秋後，棄
洞簫愁向酒邊聽。可人意緒都傾倒。此去相思付渺冥。
桃葉渡頭波萬疊。春來柳眼爲誰青。

破琴抱去向誰彈。欲與鍾期結古歡。譽我情懷同笑罵。
離人風味更辛酸。雨花岡上閒雲薄。木末亭邊落日寒。
臨別依依情不盡。最難拋舍是長干。

扁舟一櫂問歸途。滾滾長江雪浪麤。風絮飄零鄉夢冷。
關山迢遞客心孤。頻年喜結眞名士。何日來尋舊酒徒。

拜別石城人去矣。餘情常繞莫愁湖。

渡江口占

五馬渡江處。青山閱六朝。長風吹斷雁。斜日送歸橈。幕府殘雲散。盧龍積雪銷。燕磯一回首。明月照中宵。

燕子磯曉發

膺膊村雞隔岸鳴。扁舟孤客夢難成。榜人解纜渡江去。櫓打春潮作雨聲。

舟中感懷

棲霞山外挂帆時。漏洩春光草木知。壯士北歸愁日暮。大江東去恨風遲。好從白下留名姓。莫向花前訴別離。

羞澀行裝裘已敝空餘囊底數編詩

江行偶成

舟過黃天蕩風波不暫停江聲吞浪白山色通天青日
落迷瓜步潮來似洞庭可憐京口樹鬼火尙零星

楊子江中望焦山

焦光高隱處雲窟聚仙靈風緊山光黯潮寒水氣腥江
心留勝跡石骨鍊真形何日重游此來尋瘞鶴銘

揚州踏燈詞

鈔關門外泊扁舟攜伴笑奴入郭游埂子街心春似海
摘星何處訪迷樓

流螢腐草弔雷塘第一繁華小校場十萬金錢買燈火
煙花爭說戴家香

維揚城市月初升對此良宵客況增忽聽城頭金鼓震
樵青戲鬧鯉魚燈

魚龍晏衍踏歌聲簫鼓何人打槳迎廿四橋邊二分月
朦朧不肯照蕪城

上元夜海陵尉署陪張魯波

伯璫

留宿冬青館話

舊

他鄉遇知己離別況三年新歲人如舊今宵月始圓窮
途悲落魄樽酒話纏綿飽訴愁千斛三更猶未眠

頓改風塵面英奇磊落姿
羨君游宦好恨我渡江遲
止宿佳兒拜同舟健僕隨
聯牀聽夜雨此別更相思

留贈李介亭刺史

彭齡

浮香亭上客重問瀉花洲
永叔留佳話坡僊此舊游
喜逢名勝地銷盡故鄉愁
孤館冬青樹經春葉更稠

愛才賢刺史座上有公卿

謂魏箇生先生

身賤慙名字交深識

性情衙齋同對酒滄海莫談兵
若問功名事青衫淚欲傾

光孝寺贈看雲和尚

背城面水卻塵緣古刹禪僧靜
若仙斷碣埋煙無覓處

何人補泐義熙年

鍋巴山拜謁岳廟喜瞻忠武王父子畫像

英魂縹緲棲叢林丹青能寫精忠心焚香再拜謁遺像
鬚眉奕奕神如臨完顏當日寇淮海妖氛壓陣烽煙駭
戰馬屯雲響礮車刀槍耀日明犀鎧鄂王赫怒師鷹揚
鍋巴山下虛籌糧孤城固守懾強敵沙磧曾爲舊戰場
海邊五更吹畫角容易撼山難撼岳十萬么麼喪膽逃
兀术驚竄如飛雀雲雷繞膝常相隨手持博浪千金椎
忠孝一家遭奇禍獄成三字同增悲吁嗟乎賊万俟卨
賊秦檜繆醜鑄鐵形容壞縱有妙手能寫生鬼蜮罔兩

難圖繪東嶽飛來一角青

鍋巴山一名泰山

神祠享殿安威靈

好留粉本傳千載補寫凌煙閣上形

重過露筋廟

弱柳含煙雨颺絲
機舟重拜女郎祠
千年淮水窺明鏡
終古靈風擁翠旗
烈魄長埋階下草
貞珉爭揭壁間詩
漁洋句比襄陽好
吟到蓮開月墮時

高郵弔秦淮海

芳草微雲外
詞仙訪少游
曉風吹短櫂
細雨過高郵
宦蹟貧逾好
吟魂死不愁
計偕蘇學士
同上小黃樓
載酒論詩處
文游舊有臺
淮南春未老
弔古客重來
天

地真如夢江山亦愛才孟城三面水湖影畫圖開

璧社湖陰孫莘老讀書處

萬頃波涵璧社湖湖陰光照夜明珠扁舟欲訪孫莘老
煙雨空濛半綠蕪

宿遷道中

纔過桃源路前途到宿遷
岼沙銷積雨墳樹聚朝煙
柳色青隨草湖光白上天
公車行緩緩羞逐祖生鞭

車中卽景

策馬湖邊路風車行有聲
晴沙明似水遠樹固于城
廢塔河濱盡殘碑隴畔橫
春苗千萬頃雨後有人耕

過楚蘭陵令荀卿墓

桃花橋畔路古墓拜荀卿姓氏更炎漢

荀卿避漢宣帝諱改爲孫卿

文章得盛名豐碑臨道立春草繞墳生楚國多奇士知音有屈平

嶧縣作

策馬初來古嶧陽繞城山色鬱蒼蒼崎嶇道路疑軍壘高下峯巒到女牆隔水斷橋蹲似虎沿隄怪石叱成羊孤桐未死難尋覓梧葉風吹四野香

滕縣曉發

車馬塵沙擁猶然意氣豪五更催客去殘月照征袍健

僕防身劍尖風刮骨刀禦寒拚一醉魯酒當醇醪

登濟甯城上太白樓

醉眼看天地相逢有夙因。一千年後客來拜古詩人廟。
貌依城脊樓頭瞰水濱。瓣香思供奉低首薦繁蘋。

我愛任城令。知交有謫仙。登高同把酒。騎馬似乘船。此
事已千古。居人稱二賢。狂吟何處寫。浣筆借清泉。

游南池謁杜少陵遺像

驚人奇語破空來。魏晉齊梁橫掃開。千古盡臣歸幕府。
兩朝史筆擅詩才。妻孥悵望無家別。戎馬蒼涼有客哀。
我到南池謁遺像。似曾相識古丰裁。

到家作

久客歸故鄉恍如夢初覺下馬拜祖墓荒原氣寥廓斜
日照城樓入自南門郭抵家已上燈驚疑胡不樂乃知
叔母亡一棺掩帷幙死別淚盈眶生離記如昨上堂拜
伯母精神仍矍鑠姑母在家居相見意嗃嗃叔父聞姪
來欣然具杯酌阿兄聞弟來倒屣忙著屨諸弟聞兄來
歡呼如雀躍子姪環繞膝一一雙手握家人各相見拱
揖咸唱諾仲弟往京師咫尺天涯隔山妻三載別辛苦
甘藜藿大兒應童試勵志頗勤學阿城同阿貴讀書尙
不惡小女獨不見此意殊驚愕我去女未生來時一个

弱竟無半面緣。曇花開已落。三五良朋至。叩門聲剝啄。
入室吐清芬。索余新著作。離緒雜悲歡。拈髭話約略。憐
余旅況愁。風塵慣行腳。羨余恣游覽。山川誇繡錯。詢余
烽煙急。壯志賦橫槊。悲余空囊歸。意態猶落拓。飢來驅
我走。骨肉千金託。翩然向北飛。一隻令威鶴。人生重倫
常。厚者那可薄。富不在多金。貴不在好爵。當世立修名。
身後愁寂寞。我詩寫真性。揮毫尙卓犖。客散夜已深。春
城動寒柝。出戶仰看天。星月挂簷角。

同陳靜菴

世熙

游法源寺

訪古入幽寺。春留花半林。荒臺封戰骨。奇佛證禪心。塔

影自然直鐘聲何處尋靈芝之書最妙延立斷碑陰

十九日同靜菴過長椿寺觀益都馮相國碑游崇
效寺看牡丹西來閣下古丁香阮亭竹垞兩先
生手植壁間有唐貞元間王仲堪墓誌

暮春天氣雨初收難得良朋共薄游舊邸于今成廢寺
空餘奇篆認碑頭

名園寥落徧桑麻僧寺偏栽富貴花貧賤交情忘不了
託根空自委泥沙

西來閣上淨無塵彈指光陰二百春錯節蟠根花不死
丁香樹下兩詩人

墓誌題名泐仲堪千餘年物證瞿曇不知故鬼歸何處
古佛昏燈共一龕

緇塵容易污青袍春老長安酒價高看到牡丹花事盡
不須回首問櫻桃

二十二日同貢九靜庵舍弟筠莊重游崇效寺牡
丹落矣感成

又到招提境尋芳及暮春紅塵倦游客青眼看花人色
褪僧猶戀香殘蝶不親蒼苔零落處流水悟前因

偶成絕句

細雨初晴日影斜東風吹放刺梅花幽窗夢醒寂無語

鸚鵡喚人來泡茶。

都門紀懷

兄弟重逢在帝鄉。

謂筠莊

外家骨肉

靜庵貢九兩表兄

話偏長離

情不訴談風雅金粉南朝顧野王

風吹十丈輭紅塵車馬如龍氣象新誰識長安舊游客

蹇驢破帽訪詩人

高適邊韶耐久朋

與寄泉心巢袖石同寓

孔家清德到今稱

謂繡山

稔侯又遇新詞客

六安金改之工填詞

同上騷壇最上層

說徧當今第一流太真無語黯然愁茫茫人海皆皮相

賣菜傭應物色求

松筠庵爲楊椒山先生故宅瞻謁遺像敬賦二律
松筠庵裏拜神祠。駕部官聲婦孺知。罵賊何須蛇肚膽。
傳名終有豹留皮。血含冤獄生前恨。氣補忠魂死後詩。
南望鈴山成壞木。令人齒冷說分宜。

鐵面彈章瀝肺肝。九重那識寸心丹。朝廷杖湧千年血。
枷鎖風吹六月寒。諫疏競傳妻代死。遺言休遣子爲官。
願將咫尺階前地。跪鑄姦嵩與逆鸞。

四月八日同靜菴筠莊游萬壽寺廣仁宮五塔極樂諸寺

策蹇城西去。言尋古寺來。假山盤石磴。眞迹訪金臺。塔

影寒煙聚車聲暮色催閒花看不得歸路擁塵埃

十七日盧溝橋作

曉風殘月過盧溝爽挹西山翠欲流
席帽緇塵消受盡那堪回首帝王州

涿州漢張桓侯故里古井存焉

琉璃世界渡新河永濟長橋策馬過
義氣千年蟠故里井中猶有漢時波

北河謁楊忠愍公祠

昨在都門尋故宅今來祠墓感威靈
墓在東引村龍蛇畫壁

題詩去獨客徘徊諫草亭
壁上六石刻諫草

保定懷古

馬死千金駿骨驕。風吹易水尚蕭蕭。摩笄山色連燕薊。
督亢河聲界宋遼。車騎奔馳憐宦薄。管絃錯雜厭塵囂。
太平不恃雄關險。猶有行人說瓦橋。

淀河舟中

漁家曬網小舟橫。水色盈盈綠繞城。柳絮如綿飛不斷。
菰蒲陰裏櫂歌聲。

趙北燕南半水鄉。行宮頽廢最淒涼。千年枯柏無枝葉。
賣與民間作棟梁。

雙槳凌波縮漲痕。淀河風景似江邨。輕舟盪過蓮三泊。

荷葉如錢聚羣根

水田風味飽魚蝦
橋畔蘇家又苑家
一櫂丁沽歸去好
綠楊城郭夕陽斜

題查次齋先生待渡圖

青衫烏笠寫丰神
宦海茫茫欲問津
六十年前傷往事
披圖親拜古詩人

林於詩卷訂知音
三世交游海樣深
渡得慈航登彼岸
恥隨濁世任浮沈

廉吏兒孫一例窮
讓他亭長號英雄
儂今羞見江東老
且向青溪訪釣翁

滾滾長江日夜流蘆花深處有扁舟
鰕生欲勸公無渡如此風波莫浪游

梅莊詩鈔卷十一

男復光校字

梅莊詩鈔卷十二

甲辰

借帆集

天津 華長卿 枚宗

七月十七日雲巢舅氏舟過天津招同附船南下

晚泊芥園作

匆匆行色又登舟九曲河聲抱郭流依舊水西莊上月
於今來照芥園樓

楊柳青

仍是依依柳經霜眼不青春光枉搖曳秋意更飄零泡
影風前絮行蹤水上萍忽逢佳客到謂殷兩帆疏雨對
牀聽

呂官屯阻風遇雨

石尤風緊浪花麤。古木荒隄泊舳舻。天半壞雲烘作墨。
河中急雨簸成珠。布帆妄想來滕閣。畫鷁渾疑過宋都。
北地波濤狂若此。何如鼓枻泛江湖。

滄州

古廟滄州道狻猊鐵鑄成。田疇收野色砧杵動秋聲。疏
柳綠依水夕陽紅。到城欲尋沽酒處。知有豆花棚。

甌河

薄暮田家半掩扉。飽經秋雨蔓菁肥。煙籠廢寺羣鴉噪。
網曬空船獨客歸。夾岸樹陰臨水立。隔河帆影趁霞飛。

蒼茫一幅新圖畫。舵尾樓頭看夕暉。

南皮道中

沈李浮瓜夏日遲。當年文酒蘸南皮。夜深射雉臺邊路。
定有幽魂聚詠詩。

老和尚寺

廢寺臨河側。碑殘不計年。空廊蹲瘦狗。禿柳曳哀蟬。佛
苦應垂淚。僧窮只坐禪。破樓餘一角。尚有啞鐘懸。

舟中無事讀宋史作

燭影搖紅事可疑。斧聲鼙鼓地好爲之。武功飲刃涪陵竄。
分痛渾忘灼艾時。

夜半陳橋翊戴功周臣惟有一韓通揣摩笑煞陶承旨
禪詔何時貯袖中

手邊指指血痕新同拜階前望若神爭及燕山大小寶
清廉不負讀書人

身上黃袍部下謀解兵杯酒靖諸侯漢唐吳蜀看全掃
祇剩燕雲十六州

十瓶海物費平章再誤盟辭金匱藏讀得魯論剛半部
鄙夫焉解事君王

劍門戈戟日光紅歎息無人肯向東又見李家降表出
摩訶池上可憐蟲

指揮如意據胡牀慙愧中州王鐵槍攘臂酒酣言在耳
涔涔惟有淚盈眶

學士說文工解字后妃譜曲喜填詞澄心堂裏春無價
兵壓秦淮尙不知

采石磯頭試戰船昏昏臥榻儘酣眠傷心鳩殺林留守
強敵登壇默禱天

龔李爭爲內太師紛紛象陣競奔馳笑他執挺降王長
不敢先嘗酒一卮

抱腹山人有異謀河東將士不依劉太原旣下攻燕薊
天意分疆畫白溝

世篤忠貞吳越王。自隳藩蔽出錢唐。布衣何敢稱天子。
同約詞人入大梁。

假山權作血山呼。更有難兄世所無。且喜福寧簾外拜。
呂端大事不糊塗。

代州刺史楊無敵。百戰軍中膽一身。殺氣陣雲昏似墨。
陳家谷口竟無人。

華家樓

亂樹寒鴉噪未休。頽垣何處覓高樓。幾家籬落臨河住。
日看輕風送客舟。

德州道中

藩鎮稱兵地千年息戰爭壞堤荒草覆古墓斷碑傾城
五里有明河南布政司參政金公墓樹影真如畫
盧相國師祖塋名畫兒樹河聲最不平
師門知己感空灑淚縱橫

四女寺

挂席循野岸暹陽照禾黍古廟傍河濱有祠名四女停
舟繫垂楊入寺瞻堂宇神像竚而冠明璫兼翠羽伯仲
叔季間案祀千年俎登樓望遠岑下階尋廢圃摩挲讀
斷碑苔痕潤柱礎碑載唐貝州宋氏有女五學識勝男
兒才名壓鄒魯官爲女學士名字皆可譜其一獲薄譴
厥四貞儔侶百年誓不字恥效鸞皇伍又載漢景時傳

清景山父妻羅生女四傷哉男不舉四女樂養親織紵
甘賤苦各植槐一株枝葉婆娑舞同心廢蓼莪愼旃陟
杞岫日誦法華經拔宅升天府傳聞雖異詞載記史闕
補無論漢與唐事已流芳古血染曹娥江淚灑湘妃浦
貞孝警癡男晨鐘聞暮鼓幽魂聚塵龕香火誰爲主薄
霧捲靈旗涼颿動霜杵有客發高吟閣鈴相對語

三望

天風吹客舟地勢不肯讓五里一彎環兩岸土平曠朝
過冷家墳厥地名三望吳莊與蘇樓水草無殊狀遠帆
隔岸迎帆列似屏障舟子語相聞吳音頗瀏亮划船行

逾時始與彼岸傍回首去帆過覲面來帆颺風不辨順
逆河不覺背向東西南北間處處皆依樣河淺無急灘
波平少惡浪磨折在人境力曷敢奔放一似高克師逍
遙乎河上不見鯉魚風誰問桃花漲羊腸盤九曲宛轉
難舒暢暮抵鄭家口始覺河聲壯

見月

秋色澹如許水雲天際浮仰看銀漢影直接大河流閃
閃星如豆纖纖月似鉤推篷正無賴警夢有更籌

夾馬營

紛紛五季爭戈鋌朝梁暮晉黔黎瘼唐官林香默禱天

願天早生聖與賢明宗天成之二年眞龍乃降英雄躔
火光矚照雲霞顛異香滿室霏龍涎墮地啼泣聲淵淵
是時防禦岳州遷聖善杜母殊惓然香孩誰分洗兒錢
少有大志神獨全況得虎步隨鳶肩武功飲刃殊堪憐
厥後南渡血食延西湖瓜隄眞縣縣瀛國公裔存幽燕
祚移蒙古重握乾瀛國竄沙漠易名台尊生子爲元明宗乞去是爲元順帝見水東日記
北遷朔漠恣腥羶部落分踞胡沙邊朔厥發祥地頗偏
古蹟或以屯兵傳豐碑剝落埋高阡寥寥村舍無人煙
當時恨少湯沐田吁嗟乎雖少湯沐田于今市野產木
棉行人過此歌流連臨河老樹枯藤纏長條繫盡往來

船夾馬營中落日圓冬青枝上空啼鵲

過武城縣

薄宦紛紛去牛刀小試多邑名慙剽竊雅化半銷磨密
樹深藏屋荒城緊傍河子游祠在否無處聽絃歌

泊臨清

漳河流不盡濁派汭蘇門汶衛三义匯波濤百尺渾挽
舟人力健過牖水聲喧此去秋光好挑鐙共酒樽

清平道中

颯颯西風起林疏葉漸飄晚雲扶日墜孤鵲趁霜驕敗
戍餘荒堠殘甗認廢窯清平人不靖賊首道旁梟

舟過東昌

吳艘銜尾趁風來
日照嚴城暝色開
萬戶炊煙千樹柳
問誰同訪魯連臺

篷窗伏處歎無聞
風送征帆日又曛
自笑不如檣上燕
高飛早見泰山雲

過聊城有懷孔繡山山長

憲彝

鍛羽分飛各一天
謁來東魯思飄然
論交海內推高適
謂寄語別都中憶孝先

袖石新入詞林

勝境未能留客住
名山

何必藉詩傳
試登光嶽樓
頭望數遍
齊州九點煙

七級牖阻風

曉發官窯口日出秋風弱挂帆行十里忽肆封姨虐牖
水巨波狂木葉橫空落小鳥得意飛倏遇鷹鷂搏蛺蝶
入花狂驟被蛛絲縛游魚自在行羅罩不能躍人生患
行路順拂殊難度旣乘上水船又遇風濤惡收帆且棹
擢待時欣有託宦海歎茫茫莫謾容插腳會遇好風至
瞬息滕王閣明日汗漫游焉知不如昨急流能勇退俯
仰自綽綽

晚泊張秋

布帆無恙借風行俯視河流徹底清夾岸廢城門對峙
沿隄殘廟樹高撐時平不講新籌策鎮古仍稱舊姓名

村隔遠山看不見推窗喜對月華明

嘉祥古大野西望南武山曾子故里

大野低隨南武城時平父老說躬耕澹臺山色連湖色
中有高人絃誦聲

南旺分水龍王廟登來汶樓

滔滔汶水自東來直達中泓忽肇開岸東波聲環左右
風吹帆影兩徘徊南流潮過珠梅牖北去濤奔挂劍臺
白老人功推第一登樓憑弔布衣才

八月二十五日重登濟甯太白樓同祝子青孝廉

曾雲作

曹騰醉眼看齊州。河嶽英靈聚上頭。萬古乾坤皆過客。
一年風景又登樓。詩人有恨時光老。濟水無聲日夜流。
天半長庚芒四射。不須秉燭再來游。
睥睨祠堂祀二賢。醉來騎馬似乘船。翰林何必由科目。
名勝于今讓謫仙。岱色蒼茫飛鳥外。湖光潋灩夕陽邊。
狂吟竟欲凌雲去。攀附鯨魚上碧天。

四十初度

年華袞袞擲。居諸結習名。心漸埽除壯志銷。磨三尺劍。
行裝零落一箱書。家山入夢修荒冢。風雨聯牀想敝廬。
羽獵長楊應賦就。凌雲佳氣望相如。
筠莊弟時應京兆試

三載重逢又別離小窗鐙影伴梅妻大兒初解耽文字

光前應童子試

連城

樨子連匱都能讓聚梨別緒久沈千里雁鄉愁

怕聽五更雞天涯卻憶班昭妹

妹適曹氏寓居保定

畫出蛾眉舉

案齊

荒荒秋草悵春暉蝙蝠依簷不敢飛沽酒喜同豪士飲
著書多與古人違名花戀夢香傾國豔曲銷魂錦織圍
回首懺心慕蘧瑗已知三十九年非

七戰春閨總敗軍九原何處弔劉蕡神傷冀北空羣馬
目極淮南日暮雲心地那能稱不惑頭銜差免誚無聞
孝廉兩字難消受又被人呼作廣文

飲讌平原十日留

中秋後一日到濟甯二十八日登舟

月華如水送行舟

解裝屢下陳蕃榻聯袂重登太白樓同榜科名悲電掣

同榜成進士者五十四人有罷官謝世者

中年絲竹感風流

連日有歌伶侑觴

眼前

莫負秋光好折取黃花當酒籌

華髮飄蕭髻欲霜嘔殘心血賸空囊文章笑我仍貧賤

詩卷由人說短長竿木隨身同傀儡蒲帆駛夢到江鄉

翩然獨抱青琴去海上移情歎望洋

文園師督學粵東書來屢招不得往

九月四日水漲得風過八插

微山湖色青茫茫布帆飽趁秋風揚下水終朝逾八插

韓莊南下趨臺莊夾岸人家半漁舍沿隄楊柳森成行

上水船緣阻風繫呢喃秋燕鳴危檣篙師飽飯舵樓坐
笑指新月蛾眉長

宿遷古下相西楚霸王故里

河聲流萬古遺迹識鍾吾霸業空千載雄名叱萬夫地
亡才氣憤戰苦敗軍孤雞鶩翱翔去惟留鳳在笈

重陽豆辦集作

碧天秋色冷湖光每到登高憶故鄉剩有詩書銷壯歲
絕無風雨過重陽杯傾紅友難成醉瓶插黃華不肯香
拈就新詩吟豆辦題餠且莫笑劉郎

天妃牖

浪花擁雪怒滔滔鼎沸聲中六尺橋
輓粟飛芻諸武弁肯教河水濺青袍

清江作

局外閒觀傀儡場翩翩裘馬爲誰忙
帑金百萬東流去且向龍宮禱大王

淮陰侯釣臺

漢祖無陵寢韓侯有釣臺大風歌一曲回首歎蒿萊

雨夜偶然作

靜夜悄不寐展轉作奇想蜃市幻樓臺
境仄心彌廣卻憶平生懽懽懽中若癢多情累此身前途殊惘惘蝸角

歎虛名馬齒慙加長既乏用世心何必生天壤秋氣逼
牀側篷背雨聲響魂夢如白雲飄然自來往

山陽喜晤丁柘塘晏

春明席上聽驪歌六載光陰一刹那笑我抗塵行腳慣

羨君閉戶著書多

撰著各集七十八卷待梓

雄心磊落曾籌筆

壬寅秋夷

氛不靖率紳民防堵淮城

瘦骨崢嶸欲負戈危堞重重資保障

淮安新城

舊城中射陽湖水靜無波

從古淮陰善將兵于今眾志竟成城

時董修舊城工將竣

菡盤未

許延高士

君待銓廣文

薇省真堪副盛名

因保衛著績得內閣中書銜

鐘

底怪鯨收梵響

近得金天德三年鐘攻證款識綦詳

庭前雛鳳繼清聲

哲嗣

顧伯新舉
京兆試

南山喬木蟠根久攜手金鰲頂上行

舟夜不寐

涸轍憂魚困身宮受蝸磨鄉愁迴短夢詩思釀奇魔羈
客駒聲慣蠻奴嚙語多篷窗如漆黑前路恐蹉跎

晚泊汜水望汜光界首諸湖

暮雲吞落日湖色接天青帆影飄如葉人家聚似萍樹
陰秋後薄水氣晚來腥鄰舫吹簫客嗚嗚不可聽

高郵決口舟阻河干

淮風逆浪決秦郵十日河干阻客舟水浸火光燈萬點
一隄如綫邵家溝

梅莊詩鈔

卷十二

士 東觀室

讀船山詩草書後用石琢堂先生韻

乾嘉人物半凋殘
留得詩名永不刊
筆有奇情傳世久
生無媚骨救貧難
變成虎豹三更夢
用集中丁巳夢詩畫出龍蛇萬目看
仙吏酒狂歸浩劫
零星年譜繕初完

蓬窗悶坐戲集詩韻字

冬霽豔微陽
幽徑蒸絳葉
魚蟹合佳肴
青鹽沁蕭屑
嘯歌恩豪語
狎笑問耕陌
先覺未有文
寒江侵皓月

梅莊詩鈔卷十二

孫鐸孫校字